



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

De vigilatione & oratione, contra tentationes. X.

[urn:nbn:de:hbz:466:1-45790](#)

CAPVT IX.

De recollectione cordis cum Deo.

3. **Q**uid non colligit mecum, dispergit, ait Dominus noster Iesu Christus. Cum fueris multum dispersus & indeuotus propter multiplices diaboli phantasias, & amaras passiones cordis, & hominum displicantias te inquietantes; stude te recolligere in secreto, per orationem dominicam & angelicam salutationem: & prosterne te solo tenus ante sanctam crucem, vel beatæ Virginis Mariæ imaginem, aut alicuius Sancti deuotam picturam, ad Dei honorem sanctorumque memoriam factam. Inuoca præcipue Iesum & Mariam, cum omnibus angelis & cœli ciuibus, pro misericordia & gratia diuinæ consolationis tibi iterum reddenda: & dic cum sancto David in psalmo: Domine ante te omne desiderium Psal. 37. meum, & gemitus meus à te non est absconditus. Domine spes mea à inuentute, ad te confugiendo in tribulatione mea.

2. O Domine, doce me semper sequi & facere voluntatem tuam, & relinquere meam: quia hoc beneplacitum est tibi, & utile mihi, pro salute animæ meæ. Domine, nunquam mihi contingat aliquid cogitare, vel desiderare, aut operari, quod displiceat tibi, aut alteri noceat, sicut præcepisti mihi & omnibus seruientibus tibi. Cum contrarium ago, corrigeme in misericordia tua, & non in ira perdas me. Quia Deus mens es tu, & ego pauper & fragilis seruus tuus, gratia & misericordia tua in omnibus maximè egens. Sit nomen sanctum tuum, nunc & in eternum, super omnia benedictum. Amen.

CAPVT X.

De vigilatione & oratione, contra tentationes.

1. **V**igilate & orate, ut non intratis in temptationem, carnis vel spiritus, vel diaboli, vel mundi. Caro suggerit cōcupiscentiam, spiritus superbiam, diabolus inuidiam, mundus vanitatem. Christus autem è contrario docet. Nam suadet seruare castitatem, humilitatem, charitatem, & contemptum mundi: ad promerendum regnum Dei, & euadendum pœnas inferni. Vigilandū igitur & orandum, omni tempore, & in omni loco: quia nulli securitas ab aduersario maligno, qui non dormit, nec quiescit à tentando; sed circuit & querit, quem decipiatur & molestet, & à bonis exercitijs impedit, & ab oratione cessare faciat.

2. Ideo Dominus noster Iesu Christus, sciens nequitias diaboli & vtilitatem orationis, fortitudinem hostis & debilitatem hominis, admonet fortiter discipulos suos & omnes fideles vigilare & orare,

Mat. 16.

I. Pet. 5.

orare, si non velint ab hostibus suis, id est vitijs, superari. Vigilate igitur & orate, ut non intretis in tentationem diaboli, nec ei consentiantis. Si non potes totum psalterium legere, lege unum psalmum, unum versum, unum deuotum hymnum, de Iesu, Maria, aut de aliquo sancto: ad excitandum cor tuum sursum in Deum, per gemitum & viuæ vocis oraculum. Propè est enim Deus omnibus inuocantibus se cum humilitate. Nam humilis oratio isti penetrat cœlos, dat fiduciam ad Deum, & frangit diaboli consilium & vires, minas & nugas.

Ecli. 55.

Matt. 6.

3. Si impediris foris ab hominibus, intra cubiculum tuum secundum Christi consilium; & clauso ostio, ora Patrem tuum in abscondito. Ipse enim seit, quid cogitas & desideras, & quid opus est tibi. Sic ergo in omni petitione ora: Pater fiat semper voluntas tua, non mea: fac mecum sicut placitum est tibi, & utile mihi. Si fueris cum alijs in choro, lege & canta cum eis, sicut angelus coram Deo. Sic canta exterius, ut compungaris interius. Si placeas hominibus, ut non displiceas Deo & sanctis angelis eius. Deus enim magis attendit compunctionem cordis, quam clamorem altæ vocis. Quia per humilem precem Deus placatur, per vanam gloriam offenditur. Per mœroris fletum gratia acquiritur, & virtus augetur; per dissolutionis sonum deuotio perditur, & pro omni culpa & negligencia pena reddetur. A quibus malis diuina pietas nos semper custodiat, & ad cœlestia regna perducat. Amen.

CAPVT XI. I

De timore æternæ penæ, contra vitia carnis & superbiam mentis.

Psal. 118.

I **C**onsige timore tuo carnes meas. Utiles est hæc oratio contra carnis vitia, & ad superbiam mentis deprimentam. Instaniam duo mala quotidie hominem impugnant & vexant: auten caro illicita concupiscit, aut spiritus de bono superbit & laudem querit. Verumque magnum malum, utroque periculum graue. Cum te tentat caro misera citò moritura, cogita æterni ignis tormenta; & sic ignem concupiscentię extinguens igne gehennæ, & motus maiores expellent minores, ut spiritus saluus fiat per ignem. Breuis est omnis delectatio carnalis, fallax & vanæ omnis mundi lætitia, omnis decor corporis, omnis honor & gloria. Sicut dolor capitum cogit dissolutum gemere & flere, sic timor mortis & ardor inferni, faciunt passionatum et tentatum à peccatis abstinere.

2. Qui sine timore est, citò corruit in malum: et qui se non humiliat coram Deo & sanctis eius, confundetur in iudicio à deo monibus,